



Aningaasaqarnermut, Naligiissitaanermullu
Naalakkersuisoq

Ulloq: 09-05-2022
J.nr.: 01.31.06/22-00979

Sapaat 8. maj 2022 Aningaasaqarnermut Akileraartarnermullu Ataatsimiititaliap aalajangiineranik Naalakkersuisunut ilisimatitsinera

Kangerlussuarmi mittarfiup aserfallatsaalineqartariaqarneranut aningaasanik atugassanngortitsineq Ataatsimiititaliap suliaa nr. 01.31.06/22-00979

”Naalakkersuisut **inassutigaat**:

- *Konto pingaarnermi 87.11.09 Assartuussineq pillugu isumalioqatigiissitaq – misissueqqaarnermi suliniummi normu 23.004-mi aningaasaliissutit 2022-mi 6,8 mio. koruuninik appartinneqassasut, kiisalu*
- *Konto pingaarnermi 87.73.22 Mittarfeqarfiit – mittarfiit ataani suliami normu nutaami 25.215 Kangerlussuarmi mittarfimmik qallersuineranut aningaasaliissutit 2022-mi 6,8 mio. koruuninik qaffanneqassasut.”*

Aningaasaqarnermut Ataatsimiititaliap oqaaseqaatai apeqqutaalu

Kangerlussuarmi mittarfiup qallersorneqarnissaanut aningaasaliissuteqartoqarnissaanik qinnuteqaammik matuminnga Naalakkersuisut kissaateqarput. Taamatuttaaq pinasuatumik aserfallatsaalisariaqakkanik allanik Aningaasaqarnermut Ataatsimiititaliaq ilisimatinneqarpoq. Nuummi mittarfiup allineqarnerata kinguaattoornera Kangerlussuarmi mittarfiup imarpik qulaallugu timmisartuussineranut sivisunerusumik atorneqartariaqarnera aserfallatsaalinissanut tunuliaqutaapput.

Tuaviortumik suliarineqartussatut kissaateqarluni qinnuteqaat una 5. maj Aningaasaqarnermut Ataatsimiititaliap tiguua. Isumaqatigiissusiornissamut marlungorneq 10. maj killiliiffiusussatut tuaviortumik suliaqaqqusineramik qinnuteqaammi nalunaarutigineqarpoq.

Tallimangorneq 6. maj qinnuteqaat Aningaasaqarnermut Ataatsimiititaliap siullermeertumik suliaaraa. Apeqqutinik ilassutaasunik Ataatsimiititaliaq ataatsimiinnermi apeqquteqaateqarpoq. Taamaatumik sapaat 8. maj siunersiuinissimut Ineqarnermut Attaveqaasersuutinullu Naalakkersuisoq ataatsimiititaliap aggersarpaa.

8.maj ataatsimiititaliap malitsigisaanik suliaq suliareqqippaa. Ataatsimiititaliarlu suliamut naggataarutaasumik aalajangiivoq.


Ilassutitut aningaasaliissuteqarnissamut qinnuteqaatip kingusissorujussuakkut tunniunneqarnera suliamut aalajangiinermut atatillugu ataatsimiititaliap Naalakkersuisut isornartorsiorpai. Ilassutitut

aningaasaliinissamut inatsimmut isumaliutissiisummi ataatsimiititaliap tamanna aamma isornartor-siorsimavaa tamassumalu pitsanngortinneqarnissaa naatsorsuutigalugu. Siunersiuinermi Ineqarnermut Attaveqaasersuutinillu Naalakkersuisup suliap ingerlasimanera ajuusaarutigaa tamannalu ataatsimiititaliamit tusaatissatut tiguneqarpoq.

Aningaasaqarnermut Ataatsimiititaliap aalajangenera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput**.

Ataatsimiititaliaq sinnerlugu



Hans-Peter Poulsen

Aningaasaqarnermut Akileraartarnermullu Ataatsimiititaliap siulittaasua